

江油縣志

目錄

卷之首

原序

凡例

卷之一

星野

圖考

建置

沿革

江油縣志

卷之一

目錄

疆域

地名附

形勢

山川

戶口

田賦

水利

城池

關隘

津梁

古蹟

卷之二

公署

學校

祀典

典禮

祠廟

寺觀

卷之三

江油縣志

卷之一 目錄

風俗鄉飲附

兵制

舖遞

武功

鹽法

茶法

蠲政

職官

選舉 武科附

江油縣志原序

江油有志自前令彭君始彭修於雍正五年搜輯在明季兵燹文獻凋殘之後勒成一書至今賴之顧其時舊疆未復紀載僅今邑之半耳若雍正八年平武撥歸讓里三十二載之事故則未遑及焉余於丁丑冬抵任茲土嘗以硝磺之役陟天倉三奇諸峯縱目遠眺東西徑三百餘里南北半之而涪江雍水渺渺橫入煙霧間不知所際竊慨焉太息幅幘如其大也由中以思地不愛寶崇巖之

江油縣志

卷之一

志序

利日與人不辭山蜀道之難日集五方風氣既變古以成今三代富教應有加而無已職司百里恭膺

簡命謂何以慎固封守綱維人心俾按圖考籍而知所措注與則續志一編義不容已者雖然蜀之志豔稱升菴玉壘方洲前明三太史

皇清因之乃臻完善江於蜀亦小體之一續之詎易易抑又思之必待才如良史需歲殷遙將物換星移邑之淪落而湮沒者何限耶第恐塵封案牘民方

呼籲於堂階，躐起疆圉，日且奔馳於雨雪，遂欲騰神息慮，考文於斷碣殘碑，徵獻於巖栖谷處，是則難耳。茲者仰托山川社稷靈佑，訟庭少靜，年穀亦豐，而邑中要務如水利、城垣、祠廟、學校，亦隨力畧爲振興。每退而寢，不覺山風江流醒我夙願於此，志忤忤欲動矣。且夫匡山之岫讀書之臺，前哲藏修游息之所，閱世希踪，聞風向慕者，儒風學詎云無人，况

國家百餘年教澤深厚，卽玉堂金馬之英，尚待崛起

江油縣志

卷之一

志序

二

要自有採禹穴、窺石室、翹然於天柱龍門者出而相與慶，同人之助焉。於是謀之儒學彭君仁巖、君永孝、貢士王子士良、甯子愚輩，爰取彭君之志，凡三十九目，分類詳核而增定之。其大者標孝友以重人倫，廣節烈以維風化，補鹽茶以足財賦，列十甲以定疆域，至於鄉壩、市場、樓臺、八景、解支、俸工、武職、雜記，則或附或畧焉。爲目三十有四，自巳郊冬始事辛巳春竣事，非敢言文惟三十二祀之無徵，是懼故謬托諸禕，謹云時

乾隆二十六年辛巳仲春望日

勅授文林郎知龍安府江油縣事紀錄四次滇南瞿緝
曾序

江油縣志

卷之一

志序

三

江油縣志舊序

夫有文可考有獻可徵以成一邑之乘此秉筆者之所樂也若典籍云亡故老靡存而欲搜討他書借資鄰域必身歷以稽訪焉不獨簿書冗雜居諸無暇卽案牘稍清而跋涉溪山週行四境則亦難爲有功矣能免掛一漏萬之譏乎江油雖邊隅僻處地介氏羌然自漢魏以來載名史冊豈閱數千百年而遂無可傳可紀者耶何往事之莫傳而目今之乏紀耶抑或遷徙無常沿革莫定而兵燹之頻遭耶嗚呼因陋就簡此前人之所安與斯土斯民相忘於渾渾穆穆之天而已余何爲哉余奉

命來宰是邑入境卽索邑志無有也但見居人散處仄

途叢棘或五里或十里雞犬無聞村落罔覩時有怪鳥飛鳴於荒烟蔓草中而涪水日夜聲喧崇山濃霧不捲驗牌甲戶惟五百課丁賦額少半千幅幘不及附庸舟車不通商賈此卽卓魯復生龔黃再出亦大費一番開闢功也况迂拙如余其何能濟且余思聖人之訓治也在庶富教人非土不生

江油縣志

卷之一

志序

計江邑地既葢爾山居其七水居其二可耕者祇一分土耳其一戶之土僅供數口多男則必出繼蓋地不足而人無食也則庶之難財非積貯不裕獨江邑霧瘴四起而米不過夏穀不過冬謀食者終歲耳時豐或免啼饑稍歉遂艱餬口蓋地氣蒸濕而蓋藏不謹也則富之難若夫學校荒蕪弦歌絕響雖鮮文翁雅化亦由志士乏人半讀半耕治生是急寡聞寡見積學何從甚至字不辨魯魚音不調平仄經史缺於几案師友疎於切磋教豈易言哉然庶富或限於天時地利而興學勸勉則由於人事十室必有忠信百里不之一賢此固有司者之責而亦士人所當深自砥礪者也苟相與鼓舞以臻於文學之鄉將見家絃戶誦父作子述則有文可考矣釋褐登朝懷珍待聘則有獻可徵矣按舊日之封疆而復之則地廣而人庶矣闢蠶叢之逕路而通之則貨集而富可期矣猗歟休哉庶可

仰答

聖天子慤慤勸農崇學之至意而不負大聖人庶富教

之垂訓也則余今日之所纂集者特蒿矢耳恐後
之視今猶今之視昔故不量鄙陋妄爲編錄聊志
十一於千百以備後之君子增飾而補不逮云爾
雍正五年歲次丁未夏五月望前一日

勅授文林郎知四川龍安府江油縣事兩充癸卯科丙
午科本省鄉試同考官加一級紀錄三次彭陞序

江油縣志

卷之一

志序

三

江油縣志舊序

從來典籍之昭垂積久而日闕事蹟之錯陳積久而日增矧當歲遠年湮之後脫無有珥筆者爲之採而錄之其書闕而其地其人其事其物遂因以不傳此文獻無徵之所由慨也江油縣志自前令彭君基士始修於雍正五年厥後瞿君熙仲續修於乾隆二十六年其間歷年匪遠補輯猶爲易易由茲以往今已五十餘載無復有踵而修之者其闕畧蓋不可勝紀矣壬申春余權篆茲土適奉檄

江油縣志

卷之一

志序

飭纂修縣志下車伊始卽謀之司鐸邑紳羅元吉諸君子輩十餘人咸博聞強記好學善問之士聞之色喜欣然身任採訪鈔撫之責然泛而蒐者其任易綜而核者其任難則有郡學廣文周君模庭固天彭之宿儒也羣以秉筆集成之事推以奉之余不文不能承其乏竊有愧焉每當公餘流覽見夫城郭依然疆域依然規制不殊乎夙昔而起視閭閻人勤耕織戶講詩書茶鹽利興商賈輻輳生齒日以繁田疇日以治人文日以起仕於斯者藹

藹吉人之選修於家者彬彬儒雅之流抑且匡山
涪水圖嶺天倉諸奇勝英特之風旣萃於士林清
淑之氣復鍾於閨秀澆漓去而習俗淳龐教化興
而士女節烈曩者教匪不靖地經兵燹蹂躪而衆
志成城守義不屈及艱危之際矢死殉節流芳於
簡冊者尤班班可考常則民知相親變則民知相
守其所以教養維持鼓舞而振興之者匪伊朝夕
迄今人心風俗方策堪書里巷歌吟風詩可譜不
有以揚托而表彰之其何以見

江油縣志

卷之一

志序

二

昇平之有象哉余是以嘗與模庭諸君子議論及之
輒色相慶曰典籍雖亡謂成具在是役也將以繪
和親康樂之風以供太史輜軒之採不獨爲江邑
幸實足增

邦家光也越三月書成諸君子錄以見示並囑序於
余余展而閱之卷凡六自圖考以迄土產分門凡
三十有八最後則諸前人之著作附焉參考乎舊
存之冊增而輯之斟酌乎新頒之章彙而記之有
條有理綱舉目張俾五十餘年之中百里彈丸之

內天時人事吏治民風大而忠孝節義小而鷄犬
桑麻罔不燦然而陳列炳炳烺烺煥乎成章觀者
瞭如指掌余雖不敢謂博採冥搜已探驪龍頷下
之珠絕無濫觴漏卮之誚然諸君子殫見竭聞集
思廣益或得諸故老傳聞或採諸文人記載或稽
諸簿牒文移殘碑斷碣幾經討論幾費推求哀集
以成編者應亦足以遠紹彭瞿二君之志矣余從
其講爰極管窺蠡測之見聊志巔末於簡端以俟
博物之君子潤色而鑒定焉

江油縣志

卷之一

志序

三

嘉慶十七年歲在元默涪灘秋七月中元後六日
勅授文林郎知江油縣事瀟陵王衡序

凡例

一舊志所載條目位置或有脫漏失次今悉遵程式及通省志參酌增減依類附登至無憑搜輯者缺之未敢逞臆妄列誇多鬪靡也

一山川古蹟津梁陵墓之類舊載頗畧今考通志及現在可據者詳爲補載以備一邑掌故

一戶口田賦原額無多今生齒日繁開墾日廣益以讓里丁糧之增差倍於昔茲撮其總數若干悉遵科則編載

江油縣志

卷之一 凡例

一學校爲造士之本而廟廡尤重故特立專門並遵孔廟儀注詳附於中以見

國家崇儒右文超越前代至書院亦以類相附

一風俗舊志亦多簡畧今爲新增詳記益徵

昇平日久蒸蒸日上而歲不同矣

一兵制舊於職官之下僅載文職不知縣令受百里之寄駐防亦膺專城之選豈可以守土命吏一邑干城畧而不書哉

一武功前志本無因獻賊及冉賊之亂江邑幾危賴

朝廷威靈將帥士民用命旋即殄滅生靈不致塗炭
家頌戶祝勒石銘勲特增武功一條

一選舉乃登進之門文武諸人自應詳記其例貢監
候選人員他志間亦有之今附選舉後以徐觀其
所樹立

一人物志中特詳鄉賢忠義之名然自唐迄明多失
考今補記二三至於忠義孝友沐我

朝教化之深較昔爲盛而碩德鄉耆亦仰遵我

皇上敬老尊賢之意故附載焉不避濫收之嫌

江油縣志

卷之一

凡例

二

一列女自請

旌外博訪詳載以發潛德幽光其他事蹟必確有可

憑者據實分注未敢一概濫入

一藝文舊載亦少今博採增補視昔加多凡名流篇
詠有關於邑者載之至邑人之作亦得選擇附載
倣通志楊升菴例也

一舊志各條不無夏五魯魚其有可互証者改正之
否則闕疑未敢以淺見寡聞妄易前人著作也

江油縣志卷之一

星野

虞皇受命璣衡覘七政之齊周禮保章星土辨九州之域蓋在天成象在地成形疆界既分星象亦異所為觀天文以察時變也古稱蜀為井鬼分野史記天官書謂益州為參分河圖括地象稱岷山之精上通井絡通志載成都井鬼之分八參一度龍安井鬼之分八參二度江油枕龍安而帶成都其分野可識辨焉我

江油縣志

卷之一

星野

國家撫辰宣化二百年來雲漢章天景星炳夜庶士瞻璧合之祥列宿安環拱之位帝車之運於是為昭志星野

井鬼之分八參二度鶉首之次



江油縣志卷之一

圖考

有書以紀事必有圖以象形圖固與書相為參考者也有書無圖則四海九州之遠欲一室而周知其情形雖夸父不能昔伏波聚米為山漢帝曰虜在吾目中先王得西蜀地理圖入川之策乃定由是言之古人決勝千里恃有此耳江油地雖百里凡山川之奇勝疆域之險夷上而星躔下而城郭以及川塗陸道宮室之廣袤皆宜圖焉而不可畧

江油縣志

卷之一 圖考

二

我

皇上九重端拱四方形勢靡不究心則覩斯圖如數掌上螺紋不出盈握間矣志圖考

圖目

天文圖

星野圖

地輿圖

城垣圖

學宮圖

河道圖

隄堰圖

八景圖


江油縣志

卷之二

圖考

天文圖







江浦縣志 卷之一

皇野圖

圖考



江浦縣志

卷之二


圖考

三


地輿圖

交劍州界一百里東

交綿州梓潼界九十里



城垣圖



江油縣志

卷之一圖考


東

西

四

交石泉彰明界九十里

北
交武界
百三車




山圖

永隆亭

陽亭壇

火峯山

南



江油縣志

卷之一

圖老

學宮圖

北

北壇

廟顯

北門

捕廳

文廟

學署

龍王廟

考棚

監獄

書院

龍書院

南壇

南門

馬手宮

西

山圖實




河道圖

東

江油縣志

卷之一圖考

六



江油縣志

卷之七 圖考

七

隄堰圖

高


東

陽亭堰

寶圖山



灌車



堰口



武都堰

涪江河

北門



江油縣

東門

南門

南

南

北


江油縣志

卷之一

圖考

西

八



西平古渡


綠波中隔白舫橫

流沙際鳥飛灘頭

人立手相招而遙

語湍激石以成聲

野趣天生曠情地




設宜晴宜雨可繪
可吟

江油縣志

卷之一 圖考

十




獨往獨來代出僧
 之善侶無遠不臻
 有知皆悚集三春
 懸臨萬丈之深溪
 兩峯對峙一索中
 闔嶺飛橋

江油縣志

卷之二

圖考

十一



以司香火其間其
見古留蹟以示神
奇



送龍橋



龍門曉月

龍歸何處乃有床


存月照普空偏於

洞值物有靈而遺

蹟光揚彩以生寒


石笋嗟峨參差似

笏甘泉漏滴委曲
 成川俟曙色之朝
 升殘星落落疑早
 妝之初啟寶鏡熒
 熒



農肩荷長鏡而歸
 短笛以吹來笠掛
 一片牧騎牛背橫
 絲反照盈坡光鋪
 夕陽在嶺雨歇千
 陽坡晚晴

江油縣志 卷之一 圖考



去野花柔草錦地
 猶明山色水聲霞
 天欲暮

江油縣志

卷之一

圖考

十六



讀書臺畔老樹拂
 之仙才名高唐室
 勢壓龍川挺秀逸
 著覽崔巍之峯嶠
 人以地靈地因人
 匡岫賢踪

江油縣

卷之

圖考

七



雲失鶴池邊清波
 耀日勝遊懷騁似
 隔濁世以忘憂弔
 古情深殆呼青蓮
 而欲出



不 錯 望 山 巾 卜 霧
 百 室 所 占 而 四 時
 雨 有 約 以 膏 原 故
 畫 霧 無 心 而 冠 岫
 蒼 翠 如 屏 空 濛 入
 霧 山 靈 雨



靈之自至看翳日
知旱魃之潛消此
尤水潦之所關非
僅景物之堪覽者
也





天柱樵歌

林深似幙徑仄疑

繩一望龍葱靡驚

鳥獸三秋剪伐時

響斧斤擔頭枯葉

挑來澗外清謳和


去樂雲烟之縹緲
牧子諧聲悲風雨
之淒其漁人同調

江油縣志

卷之一 圖考

三

金光洞



不盈不涸泉活常
 饑拜金仙而招隱
 難窮餐石粉以無
 陟幽深古洞秉燭
 峻峭崇山攀藤險
 金光仙洞

江油縣志卷之一 圖考



流隨鎖隨開雲飛
莫定嘆鐵船之何
繫我欲乘槎撫丹
竈之猶存誰能鍊
藥金光永駐勝地
堪傳

江油縣志卷之一

山川

古者畫野而分都邑隨刊以奠山川嶽列為五瀆
分為四要皆秉天地綢緼之氣融結流峙於兩間
者也蜀本山國地以川名岷嶓沱潛而外若玉壘
若峩眉若嘉陵丙穴奇險胥甲天下焉江邑雖彈
丸天倉峙峭拔之奇涪水曳清漣之致毓秀鍾靈
昭於簡策者代不乏人我

皇上封濬有典望秩因時器車醴泉往往呈祥而獻瑞

江油縣志

卷之一 山川

則山水之奇秀亦一方之勝概也志山川

山

天柱山 在縣北十里山小而高
形如立柱為縣治主山

龍頭山 在縣南五里以形
似名又名廻龍山

三臺山 在縣西南十里

玉枕山 在縣西十里
有川主祠

觀霧山 在縣北十里霧起即雨以分陰晴極
驗上有鐵瓦殿相傳曾賢大士所建

白魚山 在縣北五里相傳有二白
魚導水至山下飛去故名

馬頭山 在縣南
三十里

石人山 寰宇記天池山在龍州南一百三十里高九十二丈上有池周圍二十三步其水常

滿號曰天池本名石人山
天寶六年勅改靈液山

寶圖山 在縣東北十里兩峯突立插天昔有寶圖字子明隱於此山故名李白有送寶王簿

詩卽此詩
見藝文志

響崖山 在縣東南二十里方輿覽勝有鳴水山卽此飛泉觸石響應山谷

永隆山 在縣東十里上有文昌祠為昔人會講遊息之所

捧珠山 在縣東五里

火峯山 在縣東二十里舊名翠房山

大茅山 在縣東一百六十里

江油縣志 卷之 山川

古樓山 在縣東四十里

高泉山 在縣南四十里

天臺山 在縣東四十里嘉慶五年將軍德勳再賊驛師於此錫今名

鳳朝山 在縣東一百里形如飛鳳環繞縣治

老君山 在縣東北八十里高可摩天上有廟求之則不得無心或遇其靈異如此

金子山 在縣東北一百五十里

五祖山 在縣東一百六十里五峯平列神秀插天為諸山之祖隴蜀具瞻

三奇山 在縣東一百二十里山頂有石子宛如飛燕並產磺磺

宗坡山 在縣東北一百七十里與平武分水

佛藏山在縣東一百里高峯特峙嘉慶五年冉賊之亂鄉中五百餘人避難於此俱獲全焉

太華山在縣西北四十里上

大匡山在縣西三十里一名大康山又名戴尺山楊天惠彰明逸事云李白本邑人隱居戴

甫寄白詩匡山讀書處頭白好歸來太白集有訪

戴天山道士不遇詩即此各勝志云

高聳亭亭形如匡字此大匡山也

點燈山在縣西四十里一名小匡山上

鳳凰山在縣東三十里海棠舖一名烟燉山

石碑山在縣東五十里

天竹山在縣東北五十里

江油縣志

卷之一 山川

紫龍山在縣東十二里即新開山舊有知縣余槐感雨亭

金鳳山在縣東十五里

戴天山在縣西五十里踞太華天倉二山之頂

天倉山在縣西七十里接平武界上有天倉洞太乙真人祠杜光庭青城山記天倉諸峯屹

然三十有六一名乾元山詳見藝文志

石馬山在縣東五十里

樓房山在縣東南六十里

天馬山在縣東四十里

古城山在縣北五十里

雲盤山 在縣東一百二十里

藏鷺山 在縣東五十里

盤龍山 在縣東六十里

雲羅山 在縣東四十里

龍山 在縣東五十里

仙女山 在縣東六十里

兩壇山 在縣東六十里每旱鄉民立壇於此禱雨輒應

烟燉山 在縣東六十里

寨子山 在縣東五十里昔人札寨於此故名

江油縣志 卷之一 山川

玉藏山 在縣東五十里

大坪山 在縣東六十里

亂石山 在縣北四十里

佛耳山 在縣東五里陽亭壩

公子山 在縣東七十里嘉慶五年鄉民札寨被害義士胡國林收衆屍葬之即此

坡 向陽坡 在縣東十里有夕陽晚照景

嶺

石子嶺 在縣東三十里青峯螺列蜿蜒三十餘里舊有塘舖今廢

高嶺在縣東十五里

銅鼓嶺在縣東四十里形如銅鼓故名

馬鬚嶺在縣東四十里

雞冠嶺在縣東十里以形似名

桅杆嶺在縣東十五里圖山下

桐梓嶺在縣北三十里檢石壩

郭家嶺在縣北三十里

岡
馬蹄岡在縣東五十里寶子明遇仙處

江油縣志

卷之 一 山川

巖

天字巖在縣南四十里高數丈形如天字故名

石聖巖在縣東南十里有大土石像

白巖在縣南四十里

石佛巖在縣南六里大石灣石洞內有佛像

耀紫巖在縣南二十里菱角池後

觀音巖在縣西三十里產茶

虎頭巖在縣西二十五里

弔狗巖在縣東十五里以形故名

洞

豹子洞

在縣東四十里石洞天成可容數百人嘉慶五年土人避賊其中賊百計攻之不能

破事平立碑洞中以紀之

白陽洞

在縣東北百里水自涪江二郎洞穿出下至江村口溢為長坪諸堰匯陰平瀘江

龍門洞

在縣北七里泉流入涪江中有龍床石笋之奇

仙人洞

在縣北十里其洞有二一在觀秀山其僧了然和尚結廬於此洞口有柱四季開花

一在竇圖山竇真人修道處

風

洞在縣北三十里猪頭壩其深莫測相傳邑有風災由此而出土人持豚酒祭之遂無

患

江油縣志

卷之一

山川

六

羅漢洞

在縣東三十里洞門高朗內多佛像面對圖山清曠可愛

朝陽洞

在縣北一百里寰宇記在州南八十里高數百丈陰洞潛穴氣蒸成川有飛泉下流

一百里入陰平合白樺水今按此洞在老君山

太乙洞

在縣西七十里天倉山又名金光洞洞中石粉如麩可食洞深窅不可窮相傳昔有

好事者深入七日火不繼而出見一鐵船云

百漚洞

在縣西二十七里潭水淵碧歲旱禱雨輒應

獅子洞

在縣東五十里

柏林洞

在縣東七十里

欄門洞

在縣東五十里

九龍洞 在縣西七十里太乙洞內下臨深崖歲旱
取洞水禱雨屢應傍有創墜蓮花石竈

合和洞 在縣西二十五里

大平洞 在縣東五十里

天花洞 在縣東六十里

老龍洞 在縣東八十里

方洞 在縣東三十里洞高十數丈能容萬人
嘉慶五年丹賊入境鄉人多於此避之

仙女洞 在縣南十里昔有仙
女在內修行故名

黑龍洞 在縣東五十里窅然深遠洞口僅容一
人舊有龍王像清泉線流禱雨輒應

臺

江油縣志

卷之一

山川

七

柏香臺 在縣東三十里

洗脚臺 在縣東六十里俗傳二
郎於此洗脚形狀宛然

堙

火石堙 在縣東三十里距馬蹄岡一里許嘉慶五
年三月初五日參贊大臣德生擒賊首冉

添元於此鄉人豎碑山麓
以誌威德營壘故蹟猶存

黃連堙 在縣東五十里

水

倒流水 在縣西八十里

馬溺水 在縣西三十里灌溉資之

七迴水在縣東七十里

江

涪

江水經注涪水源出剛氏道徽外東南流與建始水合出平樂郡西溪又東南經江油涪北省舊志涪水源出松潘衛風洞頂與龍泉小河入平武縣東南流一百三十里合源出白馬路西番界流來之火溪溝水會流二十里至平武西折而南又東分爲二派復合爲一名曰金盤河向東曲流五十里合源出鑊蛇關經羊盤溝流來之古城河及自大黃坪番界流經白草舖之高村河又流二百二十里滙衆山溪水入江油縣北繞東南經中壩司馬家沱分二派左抵常山之陰繞彰明城西會流出平武東平山流經江油馬尿水至彰明轉堰嘴合龐家塲之小江河諸水南流河

江油縣志

卷之一 山川

八

石盤河

在縣東二十五里

杜家河

在縣東七十里流入縣州合縣河

通口河

在縣南九十里由石泉鄧家渡至縣治元坪子達彰明漫坡渡

小溪河

在縣東八十里滙入陰平

神農河

在縣東六十里入陰平與朱家河合流

江村河

在縣東百里源發白陽洞即陰平河上流

朱家河

在縣東百里陰平下流滙入梓潼河

西遊河

在縣東百里源自虎寨壩至羅廟真入劍州大河

雍村河

在縣西二十里又名小江河流自平武過雍村至彰明入涪江

兩叉河 在縣東北五十里

乾河 在縣南二十五里水從雙流堰口繞彰明縣界

柏林河 在縣東八十里

溪

金盤溪 方輿覽勝縣南至綿州以此溪為界明統志在府東南二百里溪旁多沙石黃如金

名色故

龍潭溪 在縣東六里源出寶圖山下流至石聖巖入涪江

匯溪 在縣西十五里源出百匯洞至雍村河合流

池

江油縣志

卷之二 山川

九

仙鷺池 在縣東五十里深不可測有石倒垂如鷺頸故名

小池 在縣東六十里泉出山頂灌田數頃

失鶴池 在縣西三十里大匡山下李白詩有洗鉢僧臨失鶴池句

楊家池 在縣城南門內

旱龍池 在縣東八十里

蓮花池 在縣西三十里

金魚池 在城東魚皆金色池水四時不涸

淨水池 在縣東北十里圖山進香者於此盥手

天生池 在縣六里水極清冽居人資以灌溉

水壽池 在縣西二十里下庄壩

潭

黑龍潭 在縣東六十里

養生潭 在縣東四十里東林寺側

燕子潭 在縣西五里武都壩

灘

大佛灘 在縣東北二百七十里即平武青川河

觀音灘 在縣西三十里有石觀音像

老虎灘 在縣南二里嘉慶五年總鎮托堵禦賊匪更名得勝灘

江油縣志 卷之一 山川 十

支子灘

歡來灘 在縣東四十里

灣灘 在縣東三十里張家灣

照碑灘 在縣西二十里

泉

神水泉 在縣東五里水甘不竭

龍宮泉 在縣東三十里其水為檢石壩灌溉之資

觀音泉 在縣南三十里其水可灌田數百畝

井

龍王井 在縣東門外

花石井 在縣南三十里

甘泉井 在城內書院前

涼水井 在縣東三十里

溝

龍子溝 在縣東五里四時不竭

洞溝 在縣東十五里四時不涸

娃娃溝 在縣北十里

野貓溝 有二一在清規寺一在雙廟子

江油縣志 卷之一 山川

老黃溝 在縣東十里

瓦廠溝 在縣西五里

紫竹溝 在縣東五里

塘

龍王塘 在縣東北三十里歲旱禱雨取水聞有潮聲大雨即至乾隆戊寅知縣瞿緝曾禱祈

輒應豎碑刻靈泉二字

觀音塘 在縣西六十里

竹灌塘 在縣西十六里昔人嘗以竹筒取水灌田故名

養生塘 在縣東南五十里觀音寺前魚皆紅色下有八角井一碗泉天生石縫不乾不溢如

江油縣志卷之一

建置沿革

九州分自夏禹職方掌於周官建置之原其來遠矣蜀爲西南半壁處梁州之一隅蠶叢魚鳧以來未通中國義屬羈縻自秦置郡縣其後爲道爲路爲軍地與名隨時變易江邑剛氏故地漢始立縣雖僅百里提封實爲松龍門戶徵諸歷代沿革靡常我

朝臨馭天下版圖悉加釐正文以宣化武以弭奸藪

江油縣志

卷之一

建置沿革

爾彈丸之地罔不共樂

昇平矣志建置沿革

禹貢梁州之域周秦氏羌地漢爲廣漢郡剛氏道蜀漢爲江油戍兼置廣武縣屬陰平郡晉爲平武地宋齊因之屬北陰平郡梁大通初楊傑李龍遷築城於此後魏武帝置江油郡西魏置江油縣爲江油郡治廢帝二年置龍州隋開皇三年郡廢大業初改州爲平武郡義寧二年改龍門郡尋曰西龍門郡唐武德初曰西龍門州貞觀元年爲龍門

州初爲羈縻屬茂州垂拱中爲正州天寶元年復
曰江油郡至德二載昇都督府改靈應郡乾元元
年復曰龍州屬劍南道中和初改爲聖縣宋仍曰
龍州江油郡政和五年改曰政州紹興元年復曰
龍州屬利州西路端平三年兵亂寶祐六年徙治
雍村在今江油縣西南二十里元曰龍州屬廣元路至元二十
二年省江油入州至正中始置江油縣於武都興
教鎮卽今縣治地陸爲元帥府明洪武六年徙治青川
併入梓潼十三年復置江油縣屬劍州嘉靖四十

江油縣志

卷之一

建置沿革

二

五年改屬龍安府

皇清因之順治年間併入平武康熙元年復設縣編戶
二里雍正八年撥平武讓里併入江油隸川西松
茂道嘉慶二十五年隸成綿龍茂道

知縣一

教諭一

康熙四十二年復設

訓導一

主簿一

今裁

巡檢一

雍正七年設

典史一

千總一
今裁

把總一

江油縣志

卷之

建置沿革

三

疆域

畫井分疆之名肇自黃帝掌疆司險之職屬於夏官蓋畛域不清則爭桑之釁易起道里弗定則供遞之役不均古人申畫郊圻慎固封守意良深焉江油自雍正八年益以平武讓里幅隕之廣較昔為倍雖有犬牙之錯要皆唇齒之依更經我

國家釐定疆界仁漸義摩民生其間無此疆爾界之異多讓耕讓畔之風猗歟休哉志疆域

江油縣

轄中壩司

江油縣志

卷之一

疆域

北距京城五千三百五十里

南距省城四百五十里

西距府城二百六十里

東西距三百四十里

南北距二百二十里

東至劉家灣劍州界一百里

西至通口河石泉縣界九十里

南至黃樹坎彰明縣四十里

北至趙盤堙平武縣界二十里

東南至黎埡廟飛鳳山梓潼綿州界九十里
東北至宗坡山平武縣界二百五十里
西南至元坪子彰明石泉二縣界九十里
西北至青衣寨平武縣界一百三十里
中壩巡檢司 在縣南三十里

地名

按江邑大小地名一千二百餘所集隘不能備載爰做舊志內分十甲外接鄰封者錄之以備輿圖之勝覽云志地名

一甲地名

趙盤堽 黃草坪 觀霧山 麥地灣 登龍橋

何家堽 東坪 成塘觀 二郎廟 天柱山

大河灣 苦竹林 寶坪壩 松抱柏 青崗壩

女兒堰 茶亭子 田家寺 白楊溝 馬頭山

江油縣志 卷之一 地名

三

東嶽廟 魚池菴 崇真觀 橋壩

二甲地名

興隆場 西坪古渡 放陽坡 關河口 陳水

寺 永羅山 石龍嘴 八角廟 四方碑 老

成灣 韓統廟 善覺寺 寧湖山 觀音塘

馬石碕 猪頭堽 一碗水

三甲地名

中壩場 三合場 新店場 石嶺場 興發場

石碑山 高泉山 陸道觀 懶板橙 尚寺

倒掛脾 白巖 黃連橋 盆池 石馬山
龍潭子 邊家溝 元坪子 涼風埡 羅漢碕
翠屏山 李白志 關家場

四甲地名

東安場 雙板場 龍鳳場 藏王寨 江村

毛水堰 神龍河 張村埡 六楊橋 福嚴寺

烏龍觀 斬石龍 廟門寺 天門寺 大元垵

上青廟 大草坪 大松樹 順水寺 安龍院

白沙砍 射洪廟 黃茅嶺 觀道垵

江油縣志

卷之

地名

四

五甲地名

中和場 黎埡場 義興場 仙鵝場 青龍菴

全門壩 高廟子 回水寺 朝天壩 冷飯垵

馬桑嘴 觀子山 羅寶山 大茅山 世音觀

杜家河 八洞橋

六甲地名

三星場 人和場 半邊山 大茅坪 白楊溝

黃統廟 佛藏山 高板橋 小溪 金寶寺

關埡子 寺 埡 覺黃堰 五福堰

七甲地名

興隆場 六合場 雁門場 金山場 重興場

東寶場 復興場 安順場 六合埡 松板

大石墩 苟園子 龍池山 宗坡山 剛口

木橋溝 連七寨 鋸子埡 雲碌山 木水壩

大池 小池 小川子 貴溪溝 乾溝

分水嶺 藍木寺 三河口 大院 雷家河

五子山 拱石壩 牛欄溝 黃塘埡 洗脚台

黃楊寺 懶板橈 仙女石 綿花寺 毛安寺

江油縣志 卷之一 地名

五

雲盤山 岳黃觀

八甲地名

馬溺水 指月菴 讀書台 唐村壩 觀音灘

栗草灣 文昌宮 黃鍋 官渡 大悲寺

塩井埡 三座墳 苦竹溝 金光碕 匡山

下莊壩 趙家溝 二仙槽

九甲地名

龍泉場 新興場 金龍場 觀子山 蘇家院

龍魚寺 黃後山 寨子山 巖門寺 天柱寺

大松嶺 龍王塘 金龍寺 秤陀寺 牌坊壩

觀音寺 圓樹子 龍潭堰 龍子觀 唐大田

十甲地名

雙河場 金峯山 老鶯窩 清水池 水口廟

秀巖寺

江油縣志

卷之一 地名

六

江油縣志卷之一

形勢

易垂設險之文書重郊圻之畫山川形勝一方之保障恃焉江油古蜀漢戍匡山西峙圖嶺東臨北倚天柱南列翠屏涪江曲折以潑洞武都坦夷而肥美雖非扼塞險要之區而水繞山環亦松龍之要道也我

國家德威遠播城衆志而固苞桑固無藉乎形勢然按厥版圖瞭如指形於以控制遐荒作屏西蜀長

江油縣志

卷之一

形勢

駕遠馭之規模亦即於此而見志形勢

重岡伏地峻嶺橫天東西二隅曲環郡治南北一路直達縣城居巴蜀之上游實龍安之要路昔蜀漢有江油之戍至元開元帥之府亦巖疆險要用武地也

天山拱翠涪水潑洞層疊青巒通松龍於一線往來畫舫集吳楚之千帆洵爲江山勝地漢魏名區

江油縣志卷之一

戶口

國所與立莫重於民民者國之本也周禮遂大夫以歲時稽夫家之衆寡及三年大比以萬民之數詔司寇以孟冬之日祠司民書於版獻於王王拜受而登諸天府重民數也江油自漢唐以來頗稱富庶及明季兵燹人烟星散戶口凋殘經我

朝數世培養生息之繁較盛於昔覽百里之提封烟火相望瞻萬家之衡宇雞犬頻聞蓋莫不敦詩書

江油縣志

卷之一 戶口

一

勤耕鑿名哺擊壤於

太平之世矣志戶口

皇清

順治初年舊例以兩人朋丁一丁共載人丁二十四丁九分每丁徵銀三錢二分四釐七毫二忽九微二塵共徵丁銀八兩八分五釐一毫二忽七微八

織

順治十年起陸續奉行清查至康熙六十一年止遞增戶八百戶人丁七百九十九丁八分每丁徵銀

一錢六分二釐三毫五絲一忽四微六塵共徵丁銀一百二十九兩八錢四分八釐六毫九絲七忽七微八纖

雍正元年起至十三年止原載戶八百戶人丁七百九十九丁八分雍正八年丁銀歸於地糧合併徵輸是年於平武縣割歸管轄戶一千一百二十戶人丁一千一百二十丁後又增戶六十八戶人丁六十八丁統計舊管新收共戶一千九百八十八戶人丁一千九百八十八丁

江油縣志

卷之一 戶口

二

乾隆元年起至六十年止歷年遞增新舊共一萬三千八十七戶男四萬一百九十九丁婦三萬六千六百一十六口

嘉慶元年起至十六年歷年遞增新舊共三萬四千九百六十七戶男十一萬七千六百七十一丁婦十萬一千六百九十九口男婦共二十一萬九千三百七十丁口

嘉慶十七年起至道光二十年歷年遞增新舊共五萬零六百九十五戶男二十五萬八百六十七丁

女二十四萬七千二百四十七口共四十九萬八千一百一十四丁口

江油縣志

卷之一

戶口

三

江油縣志卷之一

田賦

禹貢成則三壤成賦中邦後世因之以定田賦所謂任土作貢什一中正之規也梁州厥土青黎田惟下上賦則下中三錯原不得與雍徐諸州等江邑環繞皆山東南半屬山田灌溉咸資塘堰惟武都陽亭檢石中壩頗稱平行然要不若膏腴之區地大而賦饒焉我

朝田賦之制監於成憲愚愛常周閭閻追呼不聞暮夜而又履畝清丈薄稅輕徭居斯土者服先疇食舊德輸將恐後惟正是供長享太平之樂利矣志

田賦

明

中田中地七十九頃三畝二分八釐七毫七絲五忽徵稅糧一百六十一石六斗五升八合共徵銀二百九十五兩八錢三分五釐七毫三絲逢閏年每銀一兩加閏銀二分二絲二忽二微四塵七纖

皇清

順治十年奉 頒弓式以二百四十步爲一畝清丈
起至十八年徵輸止

中田中地一十頃五十七畝一分二釐五絲共載
糧二十三石二斗四升五合一抄二撮

每糧一石徵糧銀一兩八錢三分共徵糧銀四十
二兩五錢三分八釐三毫七絲一忽九微六塵

舊例以二人朋丁一丁共載人丁二十四丁九分
每丁徵銀三錢二分四釐七毫二忽九微二塵共
徵丁銀八兩八分五釐一毫二忽七微八纖

江浦縣志

卷之一 田賦

二

以上丁糧共徵銀五十兩六錢二分三釐四毫七
絲四忽六微六塵八纖

康熙元年起至六十一年徵輸止開墾新舊

中田中地七十八頃一十五畝五分三釐七毫七
絲五忽共載糧一百六十石一斗二合八勺七抄
四撮

每糧一石徵糧銀一兩八錢三分共徵糧銀二百
九十二兩九錢八分八釐二毫五絲九忽四微二
塵

共載人丁七百九十九丁八分每丁徵銀一錢六分二釐三毫五絲一忽四微六塵共徵丁銀一百二十九兩八錢四分八釐六毫九絲七忽七微八

織

以上丁糧共徵銀四百二十二兩八錢三分六釐九毫五絲七忽一微二塵八織

雍正元年起至七年徵輸止開墾新舊中田中地七十九頃三畝二分八釐七毫七絲五忽共載糧一百六十一石六斗五升八合八勺七

江油縣志

卷之一

田賦

三

抄四撮

每糧一石徵糧銀一兩八錢三分共徵糧銀二百九十五兩八錢三分五釐七毫三絲九忽四微二塵

原載人丁七百九十九丁八分每丁徵銀一錢六分二釐三毫五絲一忽四微六塵共徵丁銀一百二十九兩八錢四分八釐六毫九絲七忽七微八

織

以上丁糧共徵銀四百二十五兩六錢八分四釐

毫三絲七忽一微二塵八纖

雍正八年奉文丈量

恩准部覆丁糧合併積算按畝徵糧起至十三年徵輸
止開墾新舊

舊管新收稻田中下田地坡地共計一千六百四
十九頃五十五畝三分七釐六毫一絲四忽六微
共徵丁糧銀二千六百八十七兩五錢三分五釐
一毫四絲九忽五微四纖

乾隆元年起至六十年徵輸止開墾新舊

江油縣志

卷之一

田賦

四

舊管新收稻田中下田地坡地共計一千七百九
十頃三十七畝七分九釐八毫五絲四忽五微八
塵八纖共徵丁糧銀二千九百四十四兩三錢九
分五釐八毫一絲九忽七微六塵五纖

嘉慶元年起至道光十九年徵輸止除

藉田四畝九分不徵丁糧外現在報部實存新舊

江油則例

中田六十二頃七十七畝五分一釐三毫每畝徵
丁糧銀六分三釐一毫九絲七忽四微三塵六纖

共徵丁糧銀三百九十六兩七錢二分二釐七毫二絲六忽五塵六纖六沙七渺

下田一百六十七頃六十畝四分九釐五毫每畝徵丁糧銀三分一釐五毫九絲八忽七微一塵九纖共徵丁糧銀五百二十九兩六錢一分一毫七絲一忽八微六纖

稻田一十二畝每畝徵丁糧銀一分二釐六絲七忽七微五塵二纖共徵丁糧銀一錢四分四釐八毫一絲二忽二塵四纖

江浦縣志

卷之一

田賦

五

中地六十七頃一十二畝八分四釐三毫每畝徵丁糧銀四分二釐一毫三絲一忽六微二塵五纖共徵丁糧銀二百八十二兩八錢二分二釐九毫八絲三忽九微六塵

坡地一頃三十五畝九釐五毫每畝徵丁糧銀八釐四絲五忽一微六塵八纖共徵丁糧銀一兩八分六釐二毫六絲一忽九微七塵

下地二百六十三頃九十四畝三分二釐每畝徵丁糧銀二分一釐六絲五忽八微一塵四纖共徵

丁糧銀五百五十六兩一分七釐八毫三絲五忽
七微七塵六纖五沙

平武則例

稻田一百九十八頃二十六畝一分三釐一毫三
絲七忽八微每畝徵丁糧銀一分二釐六絲七忽
七微五塵共徵丁糧銀二百三十九兩二錢五分
六釐八毫一忽七微六塵四纖

中地二百五十八頃八十六畝五分九釐八毫五
絲三忽八微每畝徵丁糧銀一分二釐六絲七忽

江油縣志

卷之一

田賦

六

七微五塵二纖共徵丁糧銀三百一十二兩三錢
九分三釐五絲一忽二微八塵一沙四渺六漠五
埃

下田二十六頃八十九畝二分一釐七毫九絲六
忽九微八塵八纖每畝徵丁糧銀八釐四絲五忽
一微六塵八纖共徵丁糧銀二十一兩六錢三分
五釐二毫一絲三微五塵六纖三沙三漠五埃
中地一十六頃四十畝五分七釐二毫每畝徵丁
糧銀一分二釐六絲七忽七微五塵二纖共徵丁

糧銀十九兩七錢九分八釐一絲六忽三塵四纖
二沙

下地三十二頃四畝一分四毫五絲每畝徵丁糧
銀八釐四絲五忽一微六塵八纖共徵丁糧銀二
十五兩七錢七分七釐五毫五絲八忽九微九塵
二纖

山城旱地六百九十四頃九十八畝九分七毫七
絲六忽每畝徵丁糧銀八釐四絲五忽一微六塵
八纖共徵丁糧銀五百五十九兩一錢三分三毫

江油縣志

卷之一 田賦

七

八絲八忽七微四塵五纖七沙

以上舊管新收中下稻地山坡旱地共一千七百
九十頃三十七畝八分共徵丁糧銀二千九百四
十四兩三錢九分七釐遇閏加徵每兩加徵銀八
分二釐七毫六絲一忽九微三塵七纖二漠九埃
又平武縣撥歸管輸遇閏加徵每兩加徵銀九分
二釐三毫九絲四忽八微八塵五纖

江油縣志卷之一

水利

周禮匠人爲溝洫以防止水以瀦蓄水而畎畝之利以開蜀自離堆鑿於李冰湔江導於文黨連州越郡膏沐千里富饒用是甲天下焉江邑西南僻壤土多磽瘠田隣谿澗灌溉之需惟資塘堰故自涪水而下若龍州姜公文昌許歐諸堰因時以疏濬變陸爲膏腴旱乾有賴利益靡涯我朝俊又有官循良接踵正疆界易田疇均無負裕

江油縣志

卷之一

水利

國利民之至意也志水利

文昌堰

在縣南三十里灌田六百餘畝

小河堰

在縣東關二里灌田五百餘畝

姜公堰

在縣北里許知縣姜炳璋修故名灌田三百餘畝

許歐堰

在縣南十里灌田四百八十餘畝

對河堰

在縣南三十里灌田一百三十餘畝

女兒堰

在縣南三十里灌田五百二十餘畝

白魚堰

在縣北二里灌田四百餘畝

龍門堰

在縣北二里灌田三百八十餘畝

鉄佛堰

在縣北五百二十餘畝里灌田

陳公堰

在縣北三里知縣陳圖修故名灌田三百二十餘畝

永豐堰

在縣東四十餘畝

天生堰

在縣東二十里兩岸夾石儼若天成故名灌田八百七十餘畝

龍宮堰

在縣東四十餘畝

龍州堰

在縣南二十五里

黃家堰

在縣南三十餘畝

趙家堰

在縣南三十餘畝

馬家堰

在縣南三十餘畝

江油縣志

卷之

水利

二

劉家堰

在縣東南二十里

永興堰

在縣東南三十里

廣成堰

在縣東南四十里

大悲堰

在縣南三十餘畝

龍潭堰

在縣東四十餘畝

牌樓堰

在縣東三十餘畝

松潘堰

在縣東三百餘畝

永樂堰

在縣東十里

長平堰

在縣東一百一十畝

雷家堰 在縣東一百二十里 灌田五百餘畝

雙流堰 在縣南三十里 灌田五百畝

喬壩堰 在縣南四十里 灌田二百畝

任河堰 在縣三十里 灌田八百餘畝

雙頭堰 在縣東三十里 灌田六百餘畝

江油縣志

卷之一

水利

江油縣志卷之一

城池

古人得衆成聚而居名將用兵畫地可守無所謂
城池也然治安固在人和而捍衛尤資保障蓋金
城湯池不惟可以奠民居亦可藉以防寇盜江油
昔在龍州頗稱形勝再徙雍村地小而偏今治負
山帶水控據上游修築亦完善矣遭明季兵燹傾
圮無存我

朝建官置守隨時增濬雖制不踰數里而雉堞崔嵬

江油縣志

卷之一 城池

鹿隍委宛亦西蜀之要地也志城池

昔治在舊州附郭宋徙雍村即舊縣壩元時遷於

武都即今明天順中典史姜綱始築土城成化初

知縣桑時用馬月輝相繼修完建永安長寧二門

正德中同知段溥贅以石高一丈五尺周三里計

五百四十丈嘉靖初巡撫許廷光展修萬歷初知

縣葉自新修益牆堞知縣安祚復豎串房環以濠

明末遭獻忠亂傾圮殆盡

皇清雍正初知縣彭陟修築改永安門曰昇東長寧門

曰拱北乾隆初年知縣魏文楊輔相繼修二十四
年拱北樓圯知縣瞿緝會重建復補修東南二樓
易其額北曰拱極東曰近光南曰迎薰三十三年
知縣臧敬增修堞口三十六年知縣廖方準重復
補修嘉慶十一年秋雨連綿城圯一百二十餘丈
十二年知縣陳慶嵩補修嘉慶二十四年永安門
樓圯署知縣黃繼修修補易其額曰迎恩道光九
年迎薰門樓圯署知縣鄧仁莖重修易其額曰蔚
華道光二十年迎恩門樓圯知縣桂星重建

江油縣志卷之一

關隘場鎮鄉寨附

古者重門擊柝以待暴客故禮著掌疆之制易嚴設險之文國家之置關隘匪特防寇患於已然亦即杜奸謀於未著者也蜀中礪山帶河羊腸鳥道若瞿塘若劍閣素稱險阻矣他如七盤百丈雷鼓龍門諸隘天造地設者更未易更僕數江油山深林密古號巖疆為成綿之鎖鑰揜秦隴之咽喉防禦之道尤宜加謹焉我

江油縣志

卷之二

關隘

皇上睿慮久遠慎重邊防於各處要地置營汛以樹藩籬設戍守以捍牧圉防維縝密覬覦潛消郵治久安之道永垂億萬斯年志關隘

關隘

涪水關

在縣東華陽國志平武縣有關尉先王時置唐志江油縣有涪水關方輿勝覽江油

有十二關曰涪水距城一里曰秦隴在青川縣北十五里曰兜率在青川縣曰木蕊在楮林口三店原去州三十餘里餘不盡載明統志關在江油縣東涪水上

皇塘埡

縣東一百三十里通劍州西南要路

馬蹄關

縣東四十里孤立山岡為西路中壩東路重華要路

吼石埡 縣東一百二十里路通

中壩場 縣南三十里界接彰明太平場水陸通

關埡子 縣東一百四十里通劍州武連

張村埡 縣東八十里嘉慶五年德將軍勦賊於此

李家營 縣東一百二十里順治年間

梨埡場 縣東八十里界通梓潼

雙河場 縣東二十里為

乾口 縣東二百里兩山壁立中通

麻柳場 縣東北二百里沿溪一徑

江油縣志

卷之二

關隘

黃連橋 縣西北八十里通天倉山金光洞硝廠

雁門橋 縣東二百四十里東為昭

場鎮

油溪鎮 九域志江油縣有油溪

中和場 縣東六十里

人和場 縣東八十五里

新興場 縣東四十里

雙板場 縣東九十里

龍泉場 縣東三十里

三星場 縣東六十里

安順場 縣東一百一十里

雁門場 縣東一百四十里

六合場 縣東一百九十里

石嶺場 縣南十五里

新店場 縣南四十里

三合場 縣南三十七里

義興場 縣南六十里

東安場 縣東六十里

東寶場 縣東一百二十里

興發場 縣南七十里

復興場 縣東一百二十里

興龍場 縣東一百六十里

中壩場 縣南四十里

雙河場 縣東三十里

寨堡

中和寨 縣東四十里嘉慶五年冉賊逼境邑武舉許學夔貢生陳世聞趙一清同里人唐友

寬王玉唐宗道等捐衆砌修石牆高二丈餘周圍二里許開二門北日迎恩東日安靖設有鐵炮四

江油縣志

卷之一

關隘

三

位過山鳥四
十捍存於丙

寶子寨 縣東一百五十里嘉慶五
年賊圍寨三日秋毫無損

人和寨 縣東三十五里龍頭廟嘉
慶五年任佐同里人修

金寶寨 縣東七十里地最險石壁天成嘉
慶五年賊匪數萬圍寨不能破

長生寨 縣東北十里圖山嘉慶五
年鄉人避賊札寨於此

永清寨 縣東五十里馬蹄岡下岸生
楊崑處士趙珽同里人修

江油縣志卷之一

津梁

兩山之間必有川大川之上必有塗無舟與梁則望洋而嘆自崖而返者不知凡幾故先王利民之政濟川用舟水涸成梁險阻之地往來始無滯焉江邑雖無大川而涪江數渡最屬衝要其他橋梁之在溪澗者或沿或創以時修葺誠亦要務我朝統一天下測海水者揚帆而來遵王會者梯山而至即荒陬僻壤為梁造舟悉闢王政安可忽而不

江油縣志

卷之一

津梁

講哉志津梁

姜公橋

在縣南二里因知縣姜炳璋修堰故名

猪市橋

在東關外今廢

登龍橋

在縣北五里通龍安路

南家橋

在縣南二里

伍家橋

在縣南二里

高龍橋

在縣南二里監生廖漸富修

蘭桂橋

在縣北關外嘉慶四年徐永川以得子獨力建修故名

呂家橋

小溪橋

在縣東八十里邑人何章獨力建修

興龍橋

在縣東七十里乾隆三十九年李良才募修

神龍橋

在縣東八十里梓潼要道邑人何章獨力建修

新興橋

彰江橋

在縣東六十里上通梓劍下通綿安乾隆三十二年李順玩募建

通濟橋

在縣東四十里

萬安橋

在縣東六十里

迴龍橋

公濟橋

在縣南三十里嘉慶七年修

江油縣志

卷之一

津梁

永安橋

安鳳橋

在縣南二十里

仙女橋

在縣南五里昔賢子明修道遇仙女處

合江橋

新龍橋

在縣東七十里乾隆三十九年張崇臣建

作新橋

雙鎖橋

在縣東一百里梓潼劍州要道嘉慶元年建

定遠橋

楊安橋

在縣東六十里乾隆二十七年楊鳳山建

新貴橋

世音橋

在縣東七十里乾隆二十五年建

濟慰橋

張家橋

在縣東五十里乾隆三十五年張以才建

積慶橋

在縣東七十里嘉慶十二年建

種德橋

知心橋

在縣東六十里乾隆三十五年建橋近心珠寺因以知心名

迎龍橋

香林橋

在縣東五十里乾隆三十四年建

江油縣志

卷之一

津梁

三

豐樂橋

熊家橋

在縣南三十五里乾隆三十年庠生熊瑀建

瞿家橋

在縣東十里乾隆二年貢生瞿南來建修嘉慶九年生員瞿成已重修

龍漩橋

日新橋

復永橋

廖家橋

在縣東二十里

砥柱橋

在縣東三十里

現龍橋

在縣東四十五里嘉慶元年建

登岸橋 在縣東七十里
李正鳳弟兄建

任家橋

高板橋 在縣東五十里

三星橋

三多橋 在縣東二十里邑人浙江
上虞縣典史倪文昭建

復興橋

兩河橋

運興橋 在縣東新店場側乾隆四十七年建修

待全橋

江油縣志 卷之一 津梁

天成橋 在縣東二十里任如突領修

八洞橋 在縣東五十里西寺堽

永定橋 在縣東九十里舊名倒石橋為江梓交界

雙龍橋 在縣東二十里

龍潛橋 在縣東三十里龍泉場中下有碧波潭

天生堰橋 一在縣東檢石壩一在縣南撈坪壩

雙河橋

龍潭橋 在縣東五十里邑人王志綱修

小龍橋 在縣東七十里王志綱修

柳堰橋

天生橋

在縣東北六十里
正德十五年建

養善橋

在縣東五十里
側有點江亭

余家橋

在縣東二十五里

福星橋

在縣東三十里牌坊壩嘉慶十三年觀
音寺僧源樞鳩工建修旁豎惜字爐

永豐橋

在縣三里

石佛橋

在縣南七里

萬年橋

在縣南二十五里
邑庠生趙宜昌修

黃連橋

在縣西北八十里

江油縣志

卷之一

津梁

五

西平渡

在縣東關外里許

安平渡

在縣北關外半里許

馬家沱渡

在縣東中壩場距城三十里接彰明界

江村渡

在縣北六十里

雍村渡

在縣南二十里

繆家渡

在縣二十里

觀音灘渡

在縣南四十里

潘家渡

李德智渡

在縣南二十五里

張村渡

在縣東八十里通梓潼路

龍門渡

在縣東二里

中壩場河堤

在縣東四十里知縣陳慶嵩修嘉慶十三年巡檢徐若欄重修

中壩猪市河堤

在縣東四十里乾隆四十七年知縣劉德欽修

北關外河堤

在縣里許乾隆五十九年知縣陳慶嵩修

濟公渡

在縣南四十里古係竹村渡往來行人絡繹不絕實要津也

國朝

咸豐元年監生康濟川倡義捐化造船二隻夏秋撐渡冬春搭橋置賃田房收租以作歷年修補工料及渡夫工食經費自此遠近利涉不取分文行人便焉因名濟公渡

江油縣志卷一

古蹟

欲知千古之軼事必求千古之遺蹟世代雖有遞更而當時之規模形勢與夫筆墨所流傳精神所貫注必有風雨不能蝕兵燹不能殘歷久而彌光者所賴嗜古之士博稽強識遠紹旁搜庶芳躅餘徽不至與化推遷江油地屆僻壤而毓秀鍾靈山川正多瑰異經營制作前哲不少遺蹤則求什一千百於斷簡殘篇荒烟蔓草中載諸簡冊謂非考

江油縣志

卷之一

古蹟

古之一助哉志古蹟

江油故城

一統志凡有四季漢江油戍在今縣東魏景元中鄧艾先登至江油是也其戍

尋廢西魏分平武置江油縣為龍州治在今府西隋唐因之宋寶祐六年隨州移至雍村在今縣西北元至元二十一年併入龍州至正中又隨州治武都興教鎮在今縣東北明洪武初併入梓潼十四年始置縣於今治屬劍州嘉靖十四年改歸龍安

雍村

在縣西北宋進士雍繁孫所居故各宋未嘗移縣於此昔里人鑿田獲一石柱有城隍廟

三字因將田施入今縣城隍廟此亦舊縣之一証也

飛天藏

在寶圖山宋淳熙八年建元至正中重葺明季兵火惟此獨存

介福樓

在縣西土主祠內元至正中建

微風樓 在縣東門外今廢

停驂樓 在縣東十里明知縣葉自新建

仙遊臺 在縣北寶圖山

超然亭 在縣北寶圖山係寶真人故蹟明萬歷間推官朱仲廉建

皇清康熙七年邑人楊廷傑重修有碑記舊名寶圖亭

感雨亭 在縣南紫龍山麓明知縣余槐禱雨有應民建亭記之今圯

古廳 在縣署內取李青蓮溪雲入古廳句知縣朱樟建

太白臺 方輿覽勝在江油縣太白與江油尉往來故有臺在尉廳鑄有太白像

桂馥軒 在縣署內前有老桂幹聳花繁知縣王士穎為之作記

江油縣志 卷之一 古蹟 二

讀書臺 有二一在縣西大匡山一在縣南點燈山皆李白讀書處山畔有松

鐵瓦殿 在縣北觀霧山相傳普賢大士募建

千家膏雨坊 在縣關為知縣王士穎建今廢

宏真觀古碑 在縣南一百三十四里太華山之登真觀不載撰人姓名

匡山碑 在縣西大匡山舊志刊李白出山詩碑缺不全

米元章碑 在城隍廟宋米芾書李白題江油尉廳詩

寶圖山詩碑 在縣東北寶圖山碑有二俱明嘉靖間胡直余坤題

讀書臺詩碑 在縣南明嘉靖郭文涓題
圖山殘碑 有二一刻恬和子馬朝陽書人間天上存天上二字一刻邑進士蘇仁詩不全

重修樂靜菴碑 在縣西十五里 明邑人辛和撰

蛟龍碑 在圖山 不全

海漫碑 在寶圖山 明清霞道人撰

遊天倉洞記穴碑 在縣西太乙洞 明嘉靖中保寧府同知葉松撰

藕斷絲連碑 在圖山 鐵索橋下 知縣劉德欽題

武功碑 在縣東三十里 火石壩嶺上 嘉慶五年 泰贊大臣德榜奏擒賊首冉添元處

文筆石 在縣東一百二十里 天生石笋 筆立巖畔 高二丈五尺許 圍八尺餘 隱隱有字

點江亭 在縣東五十里 楊家壩 養善橋 側高一丈三尺許 四層

浩然亭 在縣東三十五里 朱櫻 修建 古蹟

望仙亭 在圖山下 學院 甞銑敏建

飛來船 望仙亭側 學院 甞銑敏建

遊仙臺 在圖山

飛仙亭 在圖山 本禪和尚修建

吏隱堂 在縣署 宋龍州舍判趙襄修後廢 知縣桂星重建

列女墳 縣東北二十五里 特崇 墓在 白蓮 嶺之 亂入 境至此 遇女有 殊色 迫者 不從 為賊 逐 乘土人 誘之 瘞者 是 旁今 往來 祈瘳 瘳丹 冢皆 以此 壞土 今成 夏屋 邑令 毛公 學士 人生 大記 元記 仁堂 文集

江油縣志 卷之 一 古蹟